

per persunas d'instrucziun, mainascolas e presidis da scola



Nr. 5 2017/18

Part generala

Evaluaziun da l'instrucziun d'anglais stgalim secundar I

L'institut per evaluaziun da furmaziun da l'universitad da Turgau ha evaluà il matg e zercladur 2017 en tut las 2. classas dal stgalim secundar I dal chantun Grischun las competenzas da las scolaras e dals scolars en il rom anglais. In rapport chantunal è uss avant maun. Sin fundament dals resultats po l'instrucziun d'anglais en il chantun grischun vegnir validada sco reussida. La pluralitad da las scolaras e dals scolars cuntanschan las finamiras dal plan d'instrucziun.

[Rapport evaluaziun anglais](#)



Incumbensa Casty concernent la finanziaziun da curs da la lingua da segns per persunas spezialisadas che lavoran cun uffants/giuvenils cun impediments d'udida

En la sessiun d'avrigl ha il cussegl grond acceptà l'incumbensa Casty numnada en il titel. Vus chattais l'incumbensa e la resposta da la regenza sut:

[Incumbensa Casty](#)



Ina furmaziun supplementara sistematica da las persunas d'instrucziun e da las persunas spezialisadas (suandant: persunas d'instrucziun) po esser impurtanta per instruir adequatamain scolaras e scolars cun in basegn spezial da

promoziun pervia d'in impediment d'udida.

Tenor la resposta da la regenza duai la finanziaziun da la furmaziun supplementara en lingua da segns per persunas d'instrucziun vegnir garantida dals portaders da las scolas e da las instituziuns da la scola speziala sin basa da las disposiziuns legalas concernent la furmaziun supplementara. La furmaziun supplementara fa part tenor la lescha da scola da las incumbensas principalas da las persunas d'instrucziun. Ils portaders da las scolas e las instituziuns da la scola speziala fixeschan per lur persunas d'instrucziun in minimum da furmaziun supplementara che sto vegnir absolvi mintg'on (per persunas d'instrucziun a temp cumplain almain diesch mezs dis da curs) e reglan la ils custs dals curs e da las spesas. Els èn obligads da decider tut tenor situaziun davart la necessitad, il gener e la dimensiun da la furmaziun supplementara da lur persunas d'instrucziun.

En cas da dumondas davart il basegn spezial da promoziun pervia d'in impediment d'udida stat a disposiziun il Servetsch Ortopedagogic dal Grischun, che ha ina incarica da prestaziun dal chantun. El promova uffants e giuvenils cun in impediment d'udida en il rom da l'audiopedagogia e porscha en cas da basegn instrucziun en lingua da segns sco er cussegliaziun en dumondas davart la furmaziun bilingua.

Surdada d'artgs da valitaziun

L'incumbensà per la protecziun da datas dal chantun Grischun infurmescha latiers suandantamain: "Sco basa per ils discurs cun geniturs el champ da scola vegnan rimmads resuns dals uffants, geniturs e persunas d'instrucziun. Quels vegnan cumparegliads l'in cun l'auter, discutads ed i vegnan tratgas conclusiuns. Las cunvegns vegnan fixadas en in curt protocol. Ussa pretenda in bab invista en ils artgs da valitaziun che la persuna d'instrucziun a emplenì per sias actas. Il dretg d'invista en las actas vegn reglà en il art. 8 LPD (lescha federala davart la protecziun da datas). Tenor quella lescha sa mintga persuna pretender dal putader da datas persunalas scleriment surlonder. Ina persuna responsabla per l'educaziun survegn invista en las datas da lur uffant. L'infurmaziun è per regla en scrit en furma stampada u cun ina fotocopia (art. 8 alinea 5 LPD). Ultra da quai tematisescha la lescha da scola quella tematica. Tenor art. 67 da la lescha da scola han ils responsabels per l'educaziun il dretg d'infurmaziun sur da las datas da lur uffants davart las persunas d'instrucziun, autoritads da scola sco era d'uffizis spezialisads. Dal reminent statti scrit en il art. 38 alinea 3 ordinaziun da scola, che persunas cun la pussanza dals geniturs sco er las scolaras ed ils scolars han da vegnir integrads conform al stgalim en ils process da giudicament e da decisiun. Ina restricziun da l'obligaziun d'infurmaziun e dal dretg sin scleriment è tenor art. 9 LPD betg dada. Consequentamain èn ils artgs da valitaziun da surdar a las persunas cun pussanza dal geniturs."

[Incumbensader per la protecziun da datas](#)



Curs obligatorics PI 21 GR

En il rom dals curs obligatorics tar il PI21GR san tut las scolas organisar in terz curs da furmaziun supplementara interna sin custs dal chantun. Las tematicas che stattan a disposiziun vegnan publicadas a partir dals mez avust sin la pagina web da la SAPGR. La disposiziun dal uffizi sco era l'aggiunta cun las unitads d'organisaziun èn agiuntadas a quest scriver (aggiunta 1).

[Realisaziun PI21 GR](#)



Gruppa d'accompagnament talian stgalim primar

La gruppa d'accompagnament "talian stgalim primar" ha actualisà las pretensiuns intermediaras:

Ils commembers da la gruppa d'accompagnament stattan per la fin matg 2018 tar las suandantas posiziuns en il med d'instrucziun:

- 5. classa: Amici d'Italia 1, Unità 1 / pagina 16 – 22

Guarda latiers aggiunta 2. Ulteriuras indicaziuns chattais era en la rubrica roms sin nossa pagina web.

[Roms primara](#)



Gruppa d'accompagnament talian stgalim secundar I

Era la gruppa d'accompagnament "talian stgalim secundar I" ha actualisà per la fin avrigl 2018 las posiziun el med d'instrucziun Amici d'Italia:

Scola secundara resp. «Nivel cun pretensiuns extendidas»:

- 1. sec.: Amici d'Italia 1, Unità 5
- 2. sec.: Amici d'Italia 2, Unità 2-3
- 3. sec.: Amici d'Italia 2, Unità 8

Scola reala resp. «Nivel cun pretensiuns fundamentalas»:

- 1. reala: Amici d'Italia 1, Unità 4
- 2. reala: Amici d'Italia 2, Unità 0
- 3. reala: Amici d'Italia 2, Unità 6

Guarda latiers aggiunta 3. Ulteriuras indicaziuns chattais era en la rubrica roms sin nossa pagina web.

[Roms stgalim secundar I I](#)



Medias ed informatica

Per il nov rom stat cun «inform@21» da la chasa editura LMV SG a disposiziun in med d'instrucziun per la 5 e 6avla classa. Ina cuntinuaziun dal med per ils ulteriurs ciclus / classas è planisada.

A partir d l'onn da scola 2018/19 cumpara da la chasa editura LMV ZH il med «connected 01» per la 5avla classa. Quel consista d'in carnet da lavur per las scolaras ed ils scolars sco era d'in commentari electronic per las persunas d'instrucziun.

Ulteriuras publicaziuns previsas:

- 6. classa entschatta stad 2019
- 7. classa primavera 2020
- 9. classa primavera 2021

Pir cura che tuts dus meds èn avant maun vegn decidi, sche e sco in da quels meds vegn translata per la 5 e 6avla classa.

[Inform@21](#)
[Connected](#)



Chasa editura chantunala per meds d'instrucziun

Il sortiment da la chasa editura chantunala vegn en vista a l'introducziun dal plan d'instrucziun 21 Grischun (PI21 GR) adattà ed agiuntà als novs champs. Ina amplificaziun dal sortiment succeda surtut per la scolina. Per quest stgalim vegnan recepids plirs novs artigels. Tiers vegnan quels betg pli purschids en ina categoria separada, mabain integrads en ils champs. Per tut ils champs e stgalims cumparan cuntinuadamain novs meds, quels vegnan schi spert sco pussaivel recepids el sortiment. La categorisaziun actuala dal artigel tenor champs e PI21 GR è da chattar en il catalog 2018 stampà, en l'exposiziun dal meds sco era en il web-shop.

[Communicaziun meds d'instrucziun](#)



Barat franzos

Cun il project da barat "partenadi da classas" han scolaras e solars la pussaivladad d'emprender a conuscher pli bain la part franzosa dal chantun Friburg. Per dalunga san ins chattar sin la plattafurma "partenadi da classas" ina classa partenaria per l'onn da scola 2018/19.

Il barat tranter las classas sa exister d'en barat da brevs, però er d'en barat persunal tranter dus classas. Sco sustegn per l'organisaziun vegnan mess a disposiziun ideas per activitads, rapports d'experiencescha ed autras infurmaziuns per far diever. Projects da barat vegnan sustegnids finanzialmain tras il chantun Grischun.

[Ulteriuras infurmaziuns](#)

[Annunzia](#)



Swiss-Skills 2018

Dals 12-16 da settember 2018 han lieu a Berna ils Swiss-skills 2018 nua che la pli giuvna gliעד da professiun talentada sa scuntra. En 75 clamadas datti campiunadis svizzers. Radund 1100 participantas e participants sa mesiran en preschientscha da radund 150'000 visitaders. Ulteriuras 60 professiuns vegnan demonstrads da giuvens e giuvnas maistras en lur rom. Dapli infurmaziuns guarda qua sin la pagina web.

[Swiss-skills 2018](#)



Cun amicabels salids

Andrea Caviezel, manader inspecturat grischun

Part regionala

Introducziun en la professiun per novas persunas d'instrucziun

Termin/Lieu:

Mesemna, ils 15 d'avust 2018 da las 13.30 – 17.30 a Cuira, chasa da scola Giacometti

Nus supplitgain las direcziuns da scola resp. igls presidis da communitgar quel termin a las nov engaschadas persunas d'instrucziun. Igls participants vegnan, suenter che nus vain enconuschientscha da las datas persunalas, envidads da l'inspecturat.

Nus engraziain a mintga scola per la lavur prestada e per la buna collavuraziun durant l'onn da scola actual.

In engraziament spezial drizzainsa a las persunas che bandunan la scola:

- a tut las persunas d'instrucziun che van en la meritada pensien,
- a tut las persunas d'instrucziun che sortan per auters motivs,
- a tut ils cussegls da scola che han accumulì lur mandat.

A tuts che partan e che restan giavischainsa bellas vacanzas da stad e buna recreaziun.

Christina Nigg

Daniela Zanelli

Elisabeth Caluori

Pauli Dosch

Jachen Andri Buchli

